



## SAKSPAPIR

| Saksnr  | Utval                  | Type | Dato       |
|---------|------------------------|------|------------|
| 10/2022 | Bygdeutviklingsutvalet | PS   | 19.04.2022 |

| Sakshandsamar   | Arkiv | ArkivsakID |
|-----------------|-------|------------|
| Tore Henrik Øye |       | 22/407     |

### HANDSAMING AV SØKNAD OM BYGDEUTVIKLINGSMIDLAR TIL UTVIKLING AV PERMANENT HISTORISK UTSTILLING I GRENDAHUSET LJSOHEIM

#### Vedlegg:

Søknad BU-midlar Grendahuset Ljosheim - etablering av permanent, historisk utstilling  
Søknad BU-midlar Grendahuset Ljosheim

#### Kommunedirektøren sitt framlegg til vedtak:

Husastyret for Grendahuset Ljosheim får tildelt inntil kr. 20 000,- i eingongstilskot til etablering av permanent, historisk utstilling i grendahuset.

Vedtaket er fatta med bakgrunn i «Retningsliner for tilskot til bygdeutvikling». Løyvinga skal takast frå Bygdeutviklingsutvalet sine tilgjengelege midlar for 2022.

Løyvinga vert betalt ut etter kostnadsdokumentasjon, knytt til budsjetterte utgifter.

Løyvinga gjeld ut 2023. Etter dette vert midlane trekte attende. Det er mogleg å søkje om utsetjing.

#### Bygdeutviklingsutvalet - Sak 10/2022

#### BYG - Behandling:

Utvalet drøfta saka.

Kommunedirektøren sitt framlegg til vedtak vart samrøystes vedteke.

#### BYG - Tilråding/Vedtak:

Husastyret for Grendahuset Ljosheim får tildelt inntil kr. 20 000,- i eingongstilskot til etablering av permanent, historisk utstilling i grendahuset.

Vedtaket er fatta med bakgrunn i «Retningsliner for tilskot til bygdeutvikling». Løyvinga skal takast frå Bygdeutviklingsutvalet sine tilgjengelege midlar for 2022.

Løyvinga vert betalt ut etter kostnadsdokumentasjon, knytt til budsjetterte utgifter.

Løyvinga gjeld ut 2023. Etter dette vert midlane trekte attende. Det er mogleg å søkje om utsetjing.

## **Saksopplysningar:**

### **Samandrag/konklusjon (kort om saka)**

Bygdeutviklingsutvalet har kr. 500 000,- i tilskotsmidlar til fordeling etter søknad i 2022.

Husastyret for Grendahuset Ljosheim i Eksingedalen søkjer om kr. 50 000,- i bygdeutviklingsmidlar til etablering av permanent, historisk utstilling i grendahuset. Tiltaket er kostnadsrekna til kr. 100 000,- eks. mva., og det vert søkt om 50 % i finansiering.

Føremålet med utstillinga er å synleggjere og formidle kulturhistoria til ungdomshuset og lagslivet i Eksingedalen, og å skape ny aktivitet gjennom utstillinga.

Kommunedirektøren vurderer at tiltaket ligg innanfor bygdeutviklingsmidlane sitt føremål, og går inn for å løyve kr. 20 000,- eks. mva. som eit eingongstilskot.

### **Bakgrunn for saka**

Bygdeutviklingsutvalet forvaltar ei tilskotsordning for å fremje bygdeutvikling i kommunen, med inntil kr. 500 000,- til fordeling mellom søkjarar i 2022.

I søknad av 15.03.22 søkjer husastyret for Grendahuset Ljosheim, v/ Anna Sveinungsdotter Bergo, om kr. 50 000,- i bygdeutviklingsmidlar til å etablere ei permanent, historisk utstilling i grendahuset.

Det går fram av søknaden at grendahuset er 125 år i 2022. I dette høvet arbeider husastyret med utgjeving av bok og etablering av den historiske utstillinga det vert søkt om tilskot til.

Grendahuset og lagsarbeidet i Eksingedalen har ein lang og spanande tradisjon, og føremålet med utstillinga er å samle, ta vare på, synleggjere og formidle dei mange, historiske kulturskattane, ved å presentere desse i Ljosheim. I dette høvet går det fram at det har stor, lokal verdi å vise fram dei gamle, og til no, relativt utilgjengelege skattane, og å synleggjere dei for fleire.

Søkjar nemner at grendahuset er eit naturleg samlingspunkt for folk i alle aldrar, og mykje brukt, gjennom ulike arrangement for både lokale og tilreisande. Ein vegg som fortel den lokale historia, vil gje ein ekstra dimensjon til huset, ved å skape engasjement, formidle kunnskap og å utvikle funksjonen som forsamlingshus.

For nærare informasjon om innhaldet i utstillinga, vert det vist til søknaden.

**KOSTNADSOPPSTILLING/BUDSJETT:**

Husastyret vil kjøpe tenester til fotografering, forstørring av gamle bilete, restaurering av bileterammer, innramming, design og lyssetting.

Etablering av utstillinga er kostnadsrekna til kr. 100 000,- inkl. mva., med følgjande fordeling:

- Restaurering og oppussing av gamle bilete : kr. 9 000,-
- Fotografering og handsaming av gamle bilete : kr. 10 000,-
- Innramming av "nye", gamle bilete, 6 stk : kr. 9 000,-
- Innkjøp av glasmontel, 3 stk. : kr. 18 000,-
- Innkjøp/oppsetjing av plakatar til bilete : kr. 10 000,-
- Design av utstilling og digitalisering av informasjon : kr. 11 000,-
- Restaurering av vegg : kr. 5 000,-
- Lyssetjing : kr. 3 000,-
- Uføresettt : kr. 5 000,-
- + 20 % mva : kr. 20 000,-

Summen det vert søkt om, utgjør 50 % av kostnadsrekna utgifter. I tillegg vil det bli lagt ned stor grad av eigeninnsats (dugnad).

#### **Formelt grunnlag**

- Kommuneleova - generelle sakshandsamingsreglar.
- Retningslinjer for tildeling av midlar frå Bygdeutviklingsutvalet", vedtekne 26.05.20:

<https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

#### **Vurdering og konsekvensar**

Søknaden om tilskot til etablering av historisk utstilling i grendahuset på Ljosheim, er i tråd med bygdeutviklingsmidlane sine retningslinjer om krav til innhald, og kven som kan søkje om midlar (mellom anna lag/organisasjonar).

I følgje retningslinjene skal bygdeutviklingsmidlane vere til ålmenn nytte, og stimulere til levande bygdeliv, mellom anna i form av ulike kurs, arrangement og samlingar. Midlane skal kome mange til gode, skape trivnad og medverke til aktivitet som er tilgjengeleg for "alle". I dette høvet vart det på strategimøtet i Bygdeutviklingsutvalet den 8. mars, semje om å leggje spesiell vekt på aktivitetsfremjande tiltak og prosjekt.

Det går fram av søknaden at utstillinga og historien om Ljosheim, kan skape ny aktivitet i huset. Dette er i mindre grad konkretiserte, og Kommunedirektøren vurderer at det er dei som nyttar huset til vanlege, som først og fremst vil få glede av utstillinga. Om tiltaket aleine vil skape ny aktivitet, er meir usikkert, men det er moglege å halde eigne temadagar og samlingar med vekt på kulturhistoria som utstillinga skal formidle. Samstundes viser planlagt tiltak at eksingedølane bryr seg om ungdomshuset sitt og den lokale historia. I dette høvet er engasjementet for å skape utstillinga både identitets- og aktivitetsskapande i seg sjølv.

Ut frå kva bygdeutviklingsmidlane skal nyttast til, vert Kommunedirektøren i tvil om tiltaket fell innanfor føremål. Storparten av gjeremåla er knytt til restaureringsarbeid og utforming av utstillinga.

I tillegg kjem informasjon og kunnskapsformidling. Tilskotet det vert søkt om, skal ikkje nyttast til

aktivitet direkte, men kan likevel medverke til ny aktivitet (som er målet). Med bakgrunn i dette finn Kommunedirektøren grunnlag for å innstille på løyving av bygdeutviklingsmidlar til tiltaket.

Bygdeutviklingsmidlane sine retningsliner seier at det skal takast omsyn til geografisk fordeling ved bruk av midlane, og om bygder har fått tilskot tidlegare. I dette høvet har foreininga Grendahuset Ljosheim motteke kr. 100 000,- i tilskot til reparasjon av taket på huset. I tillegg er det fleire gonger tildelt midlar til andre prosjekt i dalen.

På bakgrunn av ei samla vurdering går Kommunedirektøren inn for å løyve inntil kr. 20 000,- eks. mva. i tilskot. Dette utgjer 25 % av busjetterte kostnadar, eks. mva (80 000,-). Løyvinga vert tildelt som eit eingongsbeløp, og vert ikkje knytt opp til ein prosentvis del av dei faktiske kostnadane.